

READINGTON

Restaurant

Bed & Breakfast

Mawlai Mawiong Rim

Shillong, Meghalaya

81320 00254 / 93781 87148

/87875 66272

READINGTON

PUC CENTRE

RCM

Readington UMS, Readington India

Mawlai Mawiong Rim,

Shillong, Meghalaya

8132000254

Jied u Bah Mayral Born iaka shnong Umkon kum kawei naki shnong ban ioh jingiarap kyrpang

Nongpoh, Naitung 21: U Bah Mayral Born Syiem MLA ka Nongpoh mynta ka sngi u la pynbna iaka shnong Umkon ha Nongpoh Constituency kum kawei naki shnong ka ban ioh ki lad jingiarap bad ki jingpynmang kyrpang napdeng 129 tylli ki shnong ha baroh kawei ka Nongpoh Constiteucy.

Haba kren ha katei ka sngi u Bah Mayral Born Syiem u la pyntip ba kum u MLA un jied 5 tylli ki shnong ha baroh kawei ka Constituency ban ioh ia katei ka jingiarap ba kyrpang bad ka shnong Umkon ka dei kawei naki shnong kaba donbok kaba u phaikhmat ban theh ki kam pynroi ha ki liang bapher bapher.

U la ong ruh ba ki 129 tylli ki shnong kin ioh iaki jingiarap, hynrei ki 5 tylli ki shnong ha Nongpoh Con-

Bteng sla 5

Pynkynmaw biangu Rakkam ia u Myntri Rangbah halor ka lynti rel ban pynpoi sha Baghmara

Shillong, Naitung 21 : U Myntri ka tnad Pule Puthi ba dei ruh u MLA jong ka Rongara - Siju constituency, u Rakkam A Sangma ha ka sngi Nyngkong u la pynkynmaw biang da ka jingthoh ia u Myntri Rangbah na ka bynta ban pynpoi ia ka lynti rel haduh Baghmara.

Haba kren bad ki lad pathai khutor, u Rakkam u la ong ba lada lah ban pynpoi ia ka lynti rel haduh katei ka thain kan iarap bha ia ka kamai kajih bad ka ioh ka kot jong ki nongshong shnong nalog ba kan iarap ruh wat ha ka iohkam iohjam.

"Nga la dep ban ai biang da ka dorkhas sha u Myntri Rangbah ka jylla, Conrad K Sangma ban pynkynmaw

Bteng sla 7

Khang ki paidbah ka Mawpat ban plie ia ka ophis C&RD Block, kynnoh bym burom ia ka soskular

Hap leit phai thylli u AT Mondal bad Bah AL Hek



Shillong, Naitung, 21: Da ki spah ngut ki nongshong shnong jong ka shnong Mawpat ha ka lah Sngi u Blei kiba rah da ki lama iong ki la pakhang lynti ia u Myntri ka tnat C&RD Block u Abu Taher Mondal bad ia u Myntri ka Sorkar Jylla u Bah Alexander L. Hek uba long ruh u MLA jong ka Pynthorumkhrach Constituency katba ki dang thmu ban leit plie paidbah ia ka ophis ba la shna thymmai

Shnong. Namar ka jingbym ailad bad ka jingpyneh jong ki paidbah, u AT Mondal bad u Bah AL Hek ki la hap


ban mih noh na Umsarang khlem da ioh lad satia ban plie ia ka ophis ba thymmai jong ka Mawpat C&RD Block.



Shwa ban tur ki paidbah ki Pulit kiba la ioh jingtip halor kane ka jingpyrshah jong ka Dorbar

Bteng sla 5

Ym dei ban pynduh ki lad jingmyntoi ia ki bym pat don Aadhaar card, hukum ka MHC ia sorkar



Shillong, Naitung 21: Ka iingbishar ka Meghalaya High Court ha ka sngi nyngkong ka la pynmih ia ka hukum ba shipor kaba la bthah ia ka Sorkar Jylla ba kam dei ban pynduh ia ki lad jingmyntoi ba dei hok ban ioh da ki brierw ki bym pat don ia u Aadhaar number ne ka card Aadhaar.

Ha kane ka sngi ka iingbishar ka la hukum ba ka Sorkar ka dei ban pdiang ia kiwei pat ki kot pynithuh ne identification document haba kynthoh ba ka jingbym don ia u Aadhaar number lane card kan ym dei ka jingpynduh ban ioh ia ki jingmyntoi jong ki.

Bteng sla 7

Buh ka sorkar artylli ki khyrdop talasi ban khmih ia ka koit ka khiah ki jingri, ong u Bah Hek

Shillong, Naitung 21: U Myntri ka tnat ri jingri ne Animal Husbandry and Veterinary u Bah AL Hek u la pynthikna ba ki pulit ka jylla bad ki shipai BSF ki la iatreilang ban khanglad ia ka kam khaai masi beaiñ ha ki jaka bapher bapher.

Haba kren sha ki lad pathai khutor ha ka sngi nyngkong, u Bah Hek u la ong ba ki Deputy Commissioner (DC) jong baroh ki district ki dei kiba la ioh ka bor ban pyntreikam ia ka Prevention of Cruelty to Animal Act bad ban shim ka jingkitkhlieh ban pynsangeh ia kine ki

Bteng sla 7

Ka MEG kam don jingiadei bad ka jingaiti ia ki jaka pule sha ki riewshimet : Rakkam

Shillong, Naitung 21 : U Myntri ba dei peit ia ka tnad Pule Puthi ka sorkar jylla u Rakkam A Sangma u la kyntait ia ki jingkynnoh ba ka (proposed) Meghalaya Education Grant (MEG) ka thmu ban aiti noh sha ki riewshimet ia ki skul bad kolej. Halor kane u la ther tynggeh ia kawei na ki seng saiñpyrthei da kaba ong ba kane ka jingleh ka pynkulmar hi ia ki dalade ialade halor kane ka ishu.

"Nga kwah ba ki dei ban wan markhmat ban iatai bad nga lane bad ki ophisar ka tnad

ba kin tip kham bniah halor kane (proposed MEG). Balei ba kin pynkulmar dalade ialade? Dang hynin ka sngi, kijuh ki brierw ki ong ba ka sorkar ka khlem leh ei ei ban kyntiew ia ki jaka pule bad weng ia ki jingeh baroh. Da kaba tip ia kine ki jingeh baroh, ka sorkar jylla ka la shim ia ka sienjam bad ki polisi treikam. Hynrei ha ka sngi kaba bud pat kijuh ki brierw ki kynnoh pat ba ka sorkar ka thmu ban ai noh sha ki riewshimet ban pynñaid," la kynthoh shuh shuh u Myntri.

Bteng sla 5

Shim sou motu case ka MHRC ba shah pynñiap ka samla ha East Garo Hills District

Shillong, Naitung 21: Ka Meghalaya Human Rights Commission (MHRC) kalashim da ka suo motu case halor ka jingshah pynñiap ba shyrkhei kawei ka samla ha East Garo Hills District dangshen.

Kane ka jingjia kaba ishyrkhei shisha ka la jia ha ka thaiñ Dawa Matchakolgre ha Williamnagar ha kaba uwei u brierw u ba kyrterng u James R Sangma, u la pom

da ka wait ia ka samla 19 snem na ka khlieh ha ka jaka paidbah.

Halor kane ka jingjia na ka liang ka Commission ka la bthah ia u Superintendent of Police, East Garo Hills ban aiti ia ka kaiphod kaba bniah halor kane ka kam ha ka sien shong bishar ban wan. Ia kane la pyntip da u Secretary ka MHRC L Ch Marak ha ka sngi nyngkong.

Ym dei ban shu kynnoh, sei lang na ka skim MLA ban maramot ia ki skul ba la jot

Nga la dep phah maramot 45 tylli ki iing skul



Shillong, Naitung 21 : U Myntri ba peit ia ka tnad Pule Puthi u Rakkam A Sangma ha ka sngi u la ong ki MLA kynthup ia u Nongialam ka Liang Pyrshah ha ka iing Dorbar Thawain ka jylla ba ki lah ban pyndonkam na ka skim MLA (SRWP) na ka bynta ban maramot ia ki iing skul kiba la jot rathai ha ka jaka ban kynthoh ne wat daw ia ka sorkar.

U Myntri u la ai nuksa ruh da kaba ong ba wat ma u

Bteng sla 7

Ym pat ithikna ban lah weng ka sorkar ia kiba die madan ha Khyndailad ha ka sngi baar

Shillong, Naitung 21: Ka Shillong Municipal Board (SMB) ha ka sngi Nyngkong, ka la bteng biang ban khyrnra ia ki nongdie madan ha ka thaiñ Khyndailad da kaba phah pynthikna la ki la don ne em ia ki syrnod lane ka

Certificate of Vending (COV) kiba la ioh na ophis Shillong Municipal Board.

Ha kane ka jingkhynra, la sakhi ba ki nongdie madan ki khlem pyni bor shuh bad ka jingbteng ban pynshishai syrnod ka long kaba jai jai.

Katkum ka jingioh lum jingkheih katkum kito kiba la wan ban pyndep ia ka jingpynrung kyrterng (register) ha ka ophis SMB, la don katto katne kiba khlem pat don syrnod ha kaba na

Bteng sla 7

Kurup shwa shipor ka ED ia ka nongkynti ba shongdor T. 20 klur tam u Chancellor ka CMJ

Shillong, Naitung 21: Ka tnat Directorate of Enforcement (ED), Shillong Sub-Zonal Office, ka la hukum ban kurup shwa shipor (Provisional Attachment Order) ia ki nongkynti ba

shongdor T. 20.28 klur jong u Chandra Mohan Jha, Chancellor ka CMJ University, bad ki bahaing hasem jong u hapoh ki kyndon ka Prevention of Money Laundering Act (PMLA), 2002.

Kane ka hukum kadei kaba la pynmih ha ka 3 tarik Naitung 2025, ka kynthup ia ki 4 tylli ki iing ha New Delhi kiba shongdor T.19.29 klur bad ka pisa ba T.1 klur ba

Bteng sla 5

Sha ka iew jong ka dewbah Asia, shah jied u Bah Pradip Kurbah ha ka Asian Project Market



Shillong, Naitung 21 : U nongshna phlim na pawnam na ka Jylla u Bah Pradip Kurbah u la shah jied na ka bynta ka iew projek ba pawnam jong ka Asia kaba la tip kum ka Asian Project Market, Busan 2025.

Ka phlim thymmai jong u kaba la ai kyrterng 'MOON', ka la shah jied na ka bynta ka Asian Project Market (APM) kaba don ka jingiakhun kaba jur bha ha ka tamasa phlim kaban long ha Busan International Film Festival ha u snem 2025.

Na ka rekod kaba 455 tylli ki jingthep na ki 44 tylli ki ri, tang 30 tylli ki projek ki la ioh ia ka jaka, ha kaba ka phlim 'MOON' ka la long kawei na ki phlim na ka dewbah Asia ban ioh ia kane ka project.

Ha ka jingiatreilang hapdeng ka Hello Meghalaya, ka Shiven Arts, bad ka Kurbah Films, dang shen kane ka



phlim MOON ka la ioh ia ka jingmynjur ba pura na ka Hello Meghalaya.

Ha kane ka phlim ba thymmai ki tyngshop bad ki puron kin long ki nongak kiba pawnam kiba kynthup ia u Albert Mawire, u Merlvin Mukhim, u Anvil Laloo, u Jeetesh Sharma, bad ka Baia Marbaniang bad sa ia kiwei kiwei ki tyngshop yn sa shim shuh shuh lyngba ka audition ka ban sa long shen.

Ia ka jingring dur ia kane ka phlim la buh ban sdang mynta ka aiom tlang kaba shim ia ka jingjylliew jong ka suimbneng kaba kongsan bha ha ka jingiathuhkhana.

Lah ban kdew ruh ba ia ka screenplay bad ka khana la thoh lang da u Bah Pradip Kurbah bad ka Paulami Dutta.

Lah ban kdew ruh ba ka Busan International Film

Bteng sla 7

READINGTON

PUC CENTRE

RCM

Readington UMS, Readington India

Mawlai Mawiong Rim,

Shillong, Meghalaya

8132000254

THE

GOLD

STANDARD

OF

MILK

Amul Milk

AMUL DOODH PEETA HAI INDIA

Bitar ka GSU ba shah pynñiap ka samla, dawa pynshitom ia ki ophisar bym kitkhlieh ia ka kam

Shillong, Naitung 21: Ka Garo Students' Union (GSU), Eastern Zone, ka la pynpaw ka jingdom bad jingbitar kaba jur bha halor ka jingshah pynñiap ba shyrkhei jong kawei ka samla hapoh ka shnong Samgong, East Garo Hills bad ka la dawa ba dei ban thung da ka jingtohkit majistor kaba khuid, nangta ba dei ban siew kaba lutksan bad ban pynshitom ia ki ophisar kiba donkti ha kane ka kam leh bym suitñiew ne bym kitkhlieh.

Katkum ka jingong ka GSU, la iathuh ba katei ka lanot ka la leit ban iakren ha ka One Stop Centre (OSC) kaba ha Williamnagar ban pan ki lad jingiada halor ka jingshah byrngem pynñiap ba la kynnoh ba la byrngem da u samla jong ka.

Wat hapdeng ba la pyntip ia ki pulit, kam shym la don ka jingai jingiada ne ka jingai jingshngaini, bad ia ka lanot la kynnoh ba la bthah ba kan leit sha ka jaka

Bteng sla 5

Hukum u Myntri ka Deptt - Pynshisha ba ia ka minimum wage la pyntreikam neem ha baroh ki Block

Shillong, Naitung 21 : U Myntri ba peit ia ka tnad C&RD Block ka sorkar jylla, u AT Mondal u la bthah ia ka Department ba kan pynshisha la ka la pyntreikam neem ia ka Minimum Wages ha baroh ki Block kiba don ha ka jylla.

Kane ka jingbthah ka la wan hadien ba ka sorkar jylla ka la rai ban pynsangeh noh shwa ia ka jingplie ia ka ophis trekam jong ka Mawpat C&RD Block ha kane ka sngi Nyngkong na ka daw ka jingpyrshah jong ka shnong.

La kynnoh ba kane ka jingpyrshah kadei namar ba ka sorkar kam shym la lah ban burom ia ka soskular kaba la ia soi ha ka por ba la aiti ia ka jaka na bynta katei ka ophis Block.

Bteng sla 7

Iaid paidbah ha Patharkhmah ba thud ka bording, dawa ban buh da ka 33 KV Power Station



Ki paidbah bad ki khynnah skul kiba dang iaid paidbah ba sngewkhia na ka jinglip bording ha Western Ri Bhoi.

Nongpoh, Naitung 21: Ka jingbym lah shah shuh halor ka jingktah ki paidbah na ka jinglip bording kaba la ju jia na ka por sha ka por bad da ki phew snem ki paidbah ki mat ia kane ka juh ka jingeh, ka NYC Western Ri Bhoi mynta ka sngi ka la pynlong syndon da ka jingñiad paidbah ban pynpaw ia ka jingsngewkhia kaba jur halor kane ka jingshah ktah ki paidbah.

Ia kane ka jingñiad paidbah la pynlong ha Patharkhmah ha kaba la shim bynta naduh ki paidbah nongshong shnong, ki nongialam shnong, ki khynnah skul bad ki riew rangbah, ha kaba la rah ruh ai ki placard bad ki banner ryngkat kita ki jingthoh ba ki pynpaw iaka jingsngewkhia ba ki shah ktah na ka jinglip bording kaba man ka por.

Bteng sla 7